

ՍՏՐՈՒԿ - ԶԻՆՎՈՐԱԿԱՆՈՒԹՅԱՆ ԾԱԳԱՆ ԱԿՈՒՆՔՆԵՐԻ ՈՐՈՇ ԱՄՊԵԿՏՆԵՐԻ ՇՈՒՐՋ

Ստորուկ զինվորականության ինստիտուտը մուսուլմանական Արևելքին բնորոշ ամենաերկարակյաց և ինքնատիպ երևույթներից մեկն է: Ի տարբերություն սովորական ստրկության, որը բավական տարածում ուներ միջնադարյան հասարակություններում, ստորուկ զինվորականության (ստրուկ՝ արաբերեն «Գրվան»¹ կամ «մամլուք»² կամ «աբիդ»³) կիրառման պրակտիկան հատուկ է միայն մուսուլմանական աշխարհին: Բյուզանդիայում, օրինակ, Պրոկոպիոս Կեսարացու (VI դ.) վկայությամբ, ստրուկների օգտագործումը կանոնավոր բանակում խստիվ արգելված էր:⁴ Իսկ եթե, այնուամենայնիվ, ստրկատերը ցանկանում էր նրան զինվորական ծառայության տալ, ապա պարտավոր էր ստրուկին ազատություն շնորհել մախբան այդ:⁵ Իսկ սովորաբար բյուզանդական բանակում ստրուկները ծառաներ էին և կատարում էին ամենաձանր աշխատանքները:⁶

Նույնը պետք է ասել նաև Սասանյան Իրանի մասին, որտեղ զինվորական ծառայությունը համարվում էր զինվորական ազնվական խավի արտոնությունը,⁷ ընդ որում ստրուկները բացառապես օգտագործվում էին տնային տնտեսությունում կամ զբաղաշտական տաճարներում:⁸

Ստորուկ զինվորականության, որպես ռազմական ուժի լայնորեն կիրառման գործընթացը սկսվել է IX դարից Աբբասյանների կողմից, որից հետո, լայն տարածում ստանալով մուսուլմանական անկախ դինաստիաների մոտ, այն գոյատևել է մինչև XIX դ. վերջը՝ այսինքն մոտ ինը դար:⁹

Իրանում օրինակ, այն վերացվեց միայն եվրոպական ազդեցության տակ՝ դաջարյան Ֆաթհ Ալի Շահի օրոք (1794-1834):¹⁰

Եգիպտոսում, XIII դարից սկսած մամլուքների՝ թյուրքական ծագում ունեցող ստրուկ զինվորականների իշխանությունը փաստացիորեն պահպանվեց մինչև 1811 թ., երբ Մուհամմադ Ալին վերջ դրեց դրան:

Ամերիկացի արևելագետ Ապերոս Վրիոնիսի կարծիքով, օսմանյան հանրահայտ «դելշիրմե»-ի կամ մանկահավաքության ինստիտուտը զարգացել է Սելջուկյանների մոտ տարածված ստրուկ զինվորականության ինստիտուտի հիմքի վրա:¹¹ Դա քրիստոնյա երեխաների բռնի հավաքագրում էր, որի արդյունքում կազմվում էին հայտնի ենիչերիական զմեռերը, որոնք մշտապես քաղաքական ազդեցություն են ունեցել օսմանյան քաղաքականության վրա: Դրանք կազմալուծվեցին միայն 1826թ.՝ սուլթան Մահմուդի նախաձեռնությամբ:¹²

Ստրուկ զինվորականության՝ այդ կարևոր սոցիալական և ռազմական ինստիտուտը առանձնապես կարևորվում է նաև այն պատճառով, որ առաջին թյուրքերը Սիջին և Մերձավոր Արևելք ներթափանցել են որպես դուլամ-մամլուքներ (ստրուկներ), որից հետո էլ սկսվել է մուսուլմանական քաղաքակրթության մեջ նրանց ներգրավման գործընթացը: Սա ՄԼԻ. սելջուկյան արշավանքներից առաջ թյուրքական էթնոսի առաջին ներթափանցումն էր դեպի Արաբական խալիֆայություն:

Մուսուլմանական աղբյուրները բազմաթիվ տեղեկություններ են հաղորդում տարբեր մուսուլմանական դինաստիաների բանակներում ծառայող «դուլամ-մամլուքների» մասին, սակայն մեզ համար առանձնապես կարևորվում են Տաբարու, Բալազուրիի հաղորդած տեղեկությունները, որոնք վերաբերում են աբբասյան խալիֆա Մութասիմի և դրանից առաջ ընկած շրջանին:

Վերջին մի քանի տասնամյակների ընթացքում ստրուկ զինվորականության երևույթը եղել է համաշխարհային արևելագիտության ուշադրության կենտրոնում: Այդ երևույթի տարբեր ասպեկտները ուսումնասիրվել են բազմաթիվ արևմտյան գիտնականների կողմից, որոնց շարքում նշենք Դ. Մուրդեկին, Կ.Է. Բոսվորթին, Դ.Այալունին, Բ. Լյուիսին, Ջ. Բաչարաչին, Պ. Զրոունին¹³ և այլոց:

Ֆրանսիացի արևելագետ Դոմինիկ Մուրդեի գրչին է պատկանում Իրաքի և խալիֆայության տարբեր հատվածներում դուլամների ի հայտ գալուն մվիրված համառոտ ակնարկը: Նույն խնդրին է ամողրադարձել անվանի անգլիացի արևելագետ Բոսվորթը: Նրա բազմաթիվ աշխատություններում շոշափվում են թյուրք դուլամների տարածման, թյուրքական ծագում ունեցող դինաստիաների հաստատման, մուսուլմանական դինաստիաների մոտ դուլամների օգտագործման և ընդհանրապես թյուրքերի կողմից պարսկամուսուլմանական քաղաքակրթության ընկալման ասպեկտները:

Իսրայելցի գիտնական Դավիդ Այալունն առաջիններից մեկն էր, ով ստրուկ զինվորականության երևույթի ծագմանը վերաբերող մի շարք կարևոր և խոր ուսումնասիրություններ գրեց, որտեղ, ընդհանուր առմամբ, շեշտը դրված է Եգիպտոսի մամլուքյան ռազմական երևույթի վրա:¹⁴

Ամերիկացի արևելագետ Բեռնարդ Լյուիսը մամլուքյան ինստիտուտին

մոտենում է մեկ այլ տեսանկյունից. նա մամուլային համակարգը ներկայացնում է որպես իսլամական հասարակայնության մեջ ռասայական աստիճանավորման վատ դրսևորում: Ըստ նրա՝ թյուրք և աֆրիկյան ծագում ունեցող մամուլքների միջև մշտական հակամարտությունը, հետագայում թյուրք մամուլքների քաղաքական վերելքն ու դրան հակառակ՝ աֆրիկացի ստրուկ զինվորականների անհետացումը պատմական թատերաբեմից, ամիջականորեն կապված է թյուրք մամուլքների կողմից սևամորթների նկատմամբ դրսևորված ռասիստական վերաբերմունքի հետ: ¹⁵

Վերը շարադրված Լյուիսի վարկածը քննադատվել է Ջիո Բաչարաչի կողմից, որը չհերքելով միջնադարյան իսլամական հասարակության մեջ ռասիստական նախապաշարմունքների հնարավոր առկայությունն ու այս կամ այն կերպ նրանց դրսևորումները, այնուհանդերձ արաբական աղբյուրներում սևամորթ ստրուկ զինվորների հետ կապված իրադարձությունների օրինակների վրա վառ կերպով ցույց է տվել, որ Աբբասյան Իրաքից և Իխշիդիների ու Տուլունիդների հյուսիսաֆրիկյան տերությունների քաղաքական ասպարեզից նրանց դուրս մղման գործընթացում առաջնայինը ոչ թե ռասայական, այլ տնտեսական, ռազմական և այլ գործոններն են եղել: ¹⁶

Ինչպես արդեն վերը նշվեց, օսմանյան դեվլիդնեն և սելջուկյան դուլամական երևույթների սերտ փոխկապակցվածությունը ցույց է տրվել ամերիկացի արևելագետ Սպեյրուս Վրիդնիսի կողմից: ¹⁷

1981թ. լույս տեսավ անգլիալեզու արևելագետ Պաթրիշիա Զրոունի ¹⁸ սկանդալային հեչակ ունեցող «Ստրուկները մծույզների վրա» աշխատությունը, իսլամական քաղաքակրթության անկման հիմնական պատճառներից մեկը IX դարից սկսած համարում է ստրուկ զինվորականության ինստիտուտը և դրա լույսի ներքո վիճելի եզրակացությունների է հանգում իսլամի բարոյական ճգնաժամի մասին:

Ստրուկ զինվորականության ինստիտուտը բավականին վաղ գրավել է նաև թուրք գիտնականների ուշադրությունը, որոնց համար դա առանձնակի կարևորություն ունի, քանզի, ինչպես արդեն վերը նշվեց, այն սերտորեն կապված է Մերձավոր և Միջին Արևելք առաջին թյուրքերի ներթափանցման փաստի հետ: Կարելի է բերել Այդին և Օսման Սալիհիների անունները, որոնք իրենց աշխատություններում, թուրք գիտնականին հատուկ աշխարհընկալմամբ շոշափել են Մավերանահրի ծայրամասերում տեղակայված թյուրքերի՝ խալիֆայություն ներթափանցման, ինչպես նաև Մութասիմի կողմից թյուրք դուլամներից համարված ջոկատների ստեղծման հետ առնչվող ասպեկտները: ¹⁹ Ընդհանրապես, թյուրք հեղինակները վարժում են հերքել այն զադափարը, որ թյուրք դուլամ-մամուլքների՝ խալիֆայություն ներթափանցումը կապակցված է դրա քաղաքական և տնտեսական խոր անկման սկզբի հետ:

Մուսուլմանական աղբյուրների ընձեռած տեղեկությունների և արևելագիտական ռուսմասսիությունների համադրությունը թույլ է տալիս նշելու այն գործոնները, որոնք նպաստել են ստորուկ զինվորականության առաջացմանը.

Քաղաքական գործոն. Մուքասիմ խալիֆան ցանկանում էր պետական գործին հակակշռող ռազմական ուժ ստեղծել.

Հայտնի է, որ Մուքասիմ խալիֆան ստորուկ զինվորականության ինստիտուտը դարձրեց համընդհանուր երևույթ իսլամական իրականության մեջ (այդ պրակտիկան էլ հետագայում ընդօրինակեցին մուսուլմանական անկախ դինաստիաները): Թյուրք դուլամներից հավաքագրված ռազմաջոկատների ներմուծումը սերտորեն կապված է IX դարի առաջին տասնամյակներում արբասյան խալիֆաների քաղաքական զգալի դժվարությունների և խալիֆայության մասնատման ընդհանուր միտումի հետ:

Իշխանության անցնելուց ի վեր, Արբասյանների պետական գործը ավանդաբար կազմվում էր խորասանյան ծագում ունեցող զինվորականներից՝ աբնայից, քանգի նրանք այն ռազմական հենարանն էին, որոնց շնորհիվ Արբասյանները ձեռք բերեցին իշխանություն, ընդ որում խորասանյան ջոկատները արբասյան հաստատումից ի վեր տեղակայված էին Բաղդադում:

Արդեն իսկ Հարուն սու-Ռաշիդ խալիֆայի մահվանից հետո, նրա որդիներ Ամինի և Մամունի միջև գահի համար բռնկված քաղաքացիական պատերազմը ցույց տվեց, որ խորասանյան ջոկատները սկսել էին սեփական շահերը հետապնդել և վտանգավոր էին դարձել Մամուն և Մուքասիմ խալիֆաների համար:

Պետք է նշել, որ վերոհիշյալ ռազմական նորամուծության անմիջական դրդապատճառը դարձավ այն, որ աբնան ընդլվգեց Մուքասիմի խալիֆայության դեմ և պաշտպանեց նախորդ խալիֆայի՝ Մուքասիմի եղբոր, Մամունի որդու՝ Արբասի թեկնածությունը: Դուլամներից կազմված զորաջոկատների օգնությամբ Մուքասիմը փորձում էր խափանել աբնայի մշտական քաղաքական ինտրիգները և հույս ուներ, ի դեմս դուլամների, որոնց մեծ մասը թյուրքական ծագում ուներ, ձեռք բերել հավատարիմ ռազմական ուժ, որը, ի տարբերություն նախորդների, հեռու կմնար սեփական քաղաքական շահերը հեռապնդելուց:

Ռազմական գործոն. Արբուսյանների ներքին քաղաքացիական պատերազմները նույնպես ցույց էին տալիս, որ աբնան կորցրել է իր երբեմնի ռազմական արդյունավետությունը²⁰ և գրկվել հաղթող դուրս եկած Մամունի և նրա հիմնական աջակից Տահիր իբն ալ-Հուսեյնի (Տահիրյան դինաստիայի ապագա հիմնադիր), ինչպես նաև իր եղբոր՝ ապագա խալիֆա Մուքասիմի վստահությունից:²¹

Ի դեմս թյուրքների՝ խալիֆաները ձեռք էին բերում ռազմատենչ, մարտունակ և արդյունավետ ռազմական ուժ, որը կապված էին տիրոջը ոչ թե վա-

լա՝-յի (կրիեմտելա), այլ անձնական նվիրվածության և ստրկական կապերով:

Մավերաննահրի գործոնը. Հայտնի է, որ քաղաքացիական պատերազմի տարիներին Մամունի նստավայր Մավերաննահրի սահմանագծին գտնվող Մարվում ապաստանած Մութասիմը, անկասկած հնարավորություն ունեցավ ծանոթանալ թյուրքերի ռազմական բարձր ունակություններին:

Այս կապակցությամբ հայտնի արևելագետ Բոսվորթը իր աշխատություններից մեկում իրավացիորեն քննադատելով թուրք գիտնականների այն վարկածները, ըստ որոնց VII և VIIIդդ. Մավերաննահրի արաբական նվաճմանը դիմադրություն ցույց տված թյուրքերը եղել են բուն Մավերաննահրի և ոչ թե նրա սահմաններից դուրս ընկած տափաստանների բնակիչներ, ենթադրում է, որ Մավերաննահր ներթափանցած թյուրքերը հավանաբար հիմնականում կարող են Սողդի իրանցի դիհկանների ջոկատներում վարձկան զինվորներ եղած լինել: Բոսվորթը իրավացիորեն նշում է, որ այս դեպքում մենք կունենայինք մուսուլմանական աշխարհում թյուրքերի հետագայում ունեցած դերի նախօրինակը:²²

Մենք հակված ենք պաշտպանելու Բոսվորթի այս միտքը և կարծում ենք, որ թյուրքերի օգտագործման պրակտիկան կարող է փոխառված լինել արաբական խալիֆայի կողմից: Հիրավի Մավերաննահրում հակաարաբական բազմաթիվ ապստամբություններում, թյուրքերի մասնակցությունը վկայված է մի շարք աղբյուրներում: Սկսած VII դարից և մինչև անկախ մուսուլմանական դիմաստիքների հաստատումը Մավերաննահրում (IXդ.), թյուրքերը բազմիցս աջակցել են իրանցի տիրակալների հակաիսլամական շարժումներին: Ամենավառ օրինակներից է Ներշախիի կողմից վկայված նրանց մասնակցությունը 766թ. Մուկաննայի հայտնի աղանդավորական շարժմանը²³, ինչպես նաև 806թ.՝ Ռաֆի իբն Լայսի բարձրացրած խռովությանը²⁴ (ըստ Տաբարու հաղորդման):

Ըստ Յակուբիի և Տաբարու, Մամունի իշխանության վերջին տարիներին Մութասիմի հրամանով Սամարղանդի ստրկավաճառքի շուկաներից զնվեցին հարյուրավոր թյուրք ստրուկներ, որոնք առաջին անգամ կազմեցին ապագա խալիֆայի թիկնապահ ջոկատը (թվով մոտ 3000), որն այնուհետև պետք է խալիֆայական գործի հիմքը դառնար: Աղբյուրները միանշանակ մատնանշում են Նուռ իբն Ասադի (Սամանյանների դիմաստիայի ապագա հիմնադիրը) դերը Մութասիմի համար Մավերաննահրից այս դուլամների զննման, ինչպես նաև Իրաքում արդեն եղած դուլամների հավաքագրման գործում:²⁵

Ղալամների կամ մամլուքների ձեռքբերման ճանապարհները նորից սերտորեն կապված էին Մավերաննահրի հետ: Դրանցից ամենահիմնականը, ինչպես արդեն վերը նշվեց, ստրուկների զանգվածային զննման էր Մավերաննահրի ստրկավաճառքի շուկաներում: Կարևոր էին նաև գերեվարության և նվիրատվության ճանապարհները: Պակաս կարևոր չէր նաև դուլամ-

ների տեսքով եարկավճարության ճանապարհը:

Ընդհանրապես, Աբբասյաններին դալամների մատակարարման գործում, ինչպես արդեն վերը նշվեց, մեծ դեր ունեին Սամանյանները և Թահիրյանները, որոնք նախ վերահսկում էին Մավերաննահրի ստրկավաճառ շուկաները, դրանցից մեծ օգուտներ ունենալով, ինչպես նաև նրանց ստրկահարկեր վճարելով: Այստեղ, օրինակ, կարելի է բերել Xդ. աշխարհագետ Մուկադդասիի հաղորդումը, ըստ որի կենտրոնական իշխանությունների կողմից Խորասանի վրա պարտադրված հարկը տարեկան կազմում էր տասը հազար ստրուկ:²⁶

Գնվելուց հետո դալամները որոշակի ռազմական ուսուցում էին անցնում, իսկ այնուհետև՝ ընդգրկվում ռազմաջոկատներում:

Մեր կարծիքով, գոյություն ունի նաև մեկ այլ կարևոր նախադրյալ, որը նույնպես մեծ նշանակություն է ունեցել ստրուկ զինվորականության կիրառման գործընթացում: Մենք պետք է նշենք, որ մուսուլման տիրակալները սահմանափակ քանակությամբ դալամներ ունեցել են նաև մինչև Մուֆասիմը և անգամ աբբասյան տիրապետությունից շատ առաջ: Այս փաստը մեզ թույլ է տալիս եզրակացնել, որ այդ երևույթը սաղմնային վիճակում արդեն իսկ վաղուց գոյություն է ունեցել մուսուլմանական իրականության մեջ: Այսպես, օրինակ, Բալազորիի հաղորդմամբ, 686-687թթ. հակաօմայյան կուսակցության ղեկավար Աբդալլա իբն ալ-Ջուբայրի եղբայր Մուսաբի հրամանատար Աբդալլա իբն ալ-Խսբահանին Ալիդների խռովության ղեկավար Մուխթարի դեմ ճակատամարտում հանել է 400 մամլուք:²⁷

Մեկ այլ հետաքրքրական տեղեկություն պահպանվել է ասորի հեղինակ Բար-Պենկայիի մոտ (VIIդ.), որի համաձայն հենց այդ Մուխթարը, ունենալով մարտունակ և հավատարիմ զորքի կարիք, Քուֆայի բնակիչներին հրամայել է ազատ արձակել իրենց ստրուկներին և դրանց օգտագործել հակառակորդի դեմ իբրև զինվորական ուժ: Ըստ ասորի հեղինակի, այս նպատակով ազատագրված և որպես զինվորական ուժ հավաքագրված ստրուկների թիվը հասնում էր 30,000:²⁸ Այնուհետև հեղինակը հաղորդում է, որ ազատագրված ստրուկները այնուհետև նախաձեռնեցին այսպես կոչված «շուրտենների» խռովարարական շարժումը:²⁹ Դժվար չէ նկատել, որ տվյալ դեպքում մենք գործ ունենք ազատություն ստացած դալամների ջոկատի հետ:

Մուսուլման հեղինակները տեղեկություններ են հայտնում նաև սահմանափակ թվով դալամների մասին, որոնք ծառայում էին որոշ Օմայյան արքայազների ջոկատներում կամ շքախմբերում:³⁰

Աբբասյանների օրոք արդեն Մամսուր խալիֆան (754-775) ուներ դալամներ, որոնք արքունիքում կատարում էին տարբեր պարտականություններ:³¹

IXդ. սկզբին ստրուկ զինվորներով համալրված ջոկատներ արդեն իսկ ի հայտ են գալիս մինչև Մուֆասիմի իշխանությունը՝ նախ 800թ. առաջին Ադ-

լարյան՝ Իբրահիմի (800-812), իսկ այնուհետև 820թ. Իսպանիայի Օմայան Հաքամ 1-ի (796-822) բանակներում:³²

Սեր կարծիքով, կա մեկ այլ գործոն ևս, որը կարող է ազդեցություն ունեցած լինել ստրուկ զինվորականության ինստիտուտի ձևավորման վրա: Սա բյուզանդական կայսրերի զվարդիաններում օտարազգի վարձկան զինվորների ներգրավման երևույթն է: Ճիշտ է, այս զինվորները ստրուկի կարգավիճակ չեն ունեցել, և ինչպես նշվեց վերը, Բյուզանդիայում արգելված էր նրանց կիրառումը որպես կանոնավոր ռազմական ուժ, սակայն, հնարավոր է, որ այս գաղափարը վախճաված լինեի մուսուլմանական հասարակության կողմից և կիրառված՝ վերավտխված ձևով: Այնուամենայնիվ, բյուզանդական ռազմական վարձկանության ինստիտուտի ազդեցության խնդիրը մուսուլմանական ստրուկ զինվորականության ձևավորման վրա հատուկ ուսումնասիրության կարիք ունի:

Ի մի բերելով վերը շարադրվածը կարելի է ասել, որ արևելագետների կողմից ավանդաբար նշվող գործոններից և պատճառներից բացի, խալիֆայության տարածքում ստրուկ-վարձկանության առաջացման կարևոր նախադրյալներից մեկը եղել է խալիֆայության գոյության տարբեր ժամանակահատվածներում որպես ռազմական ուժ փոքր թվով ղուլամների սահմանափակ կիրառման պրակտիկան մինչև նրանց համատարած օգտագործումը Մուբասիմ խալիֆայի օրոք:

SUMMARY

Among the factors which supported the introduction of military-slavery (ghulam-mamluk) institution by Abbasid caliph Mu'tasim in the first third of IX c. the following should be mentioned:

- political, i.e. Mu'tasim's eagerness to set up the military force which may counterbalance the 'abna - up to now the state army of Khurasani descent which no more could be relied on, since from Mamun's time they have been permanently involved in anti-caliph and internal Abbasid intrigues and strifes; Mu'tasim hoped that his new army will be tied with him on individual basis as slaves are tied to his master.

- military, i.e. Abbasids' aspiration to replace militarily inefficient 'abna with much more able army consisting mainly of the Turkish ghulams;

- Mawarannahri (Transoxanian), i.e. we support C.E. Bosworth's suggestion that the Turks may have been recruited in armies of Iranian dihqans of Transoxania as mercenaries and this model may have been borrowed by Mu'tasim. This suggestion seems to be real because Mu'tasim himself have been with Mamun in Marw during the Mamun-Amin war, and could have appreciate the Turks as fierce warriors.

- the factor which we think may have been of particular importance for introduction of slave status army is that the existence of ghulams is recorded by Muslim sources in different periods of Caliphate since the Omayyad time. Baladhuri mentions that one of the anti-Omayyad party's head's 'Abdalla b. al-Zubayr's brother's commander 'Abdalla b. al-Isbahani used his 400 mamluks in the battle againts the Alid army led by Mukhtar (687). Syrian historian Bar-Penkaye of VII c., further informs us that this Mukhtar himself when lacking efficient force ordered the Kufans to free their slaves and formed an army to fight the enemy. We believe that here proto-ghulam phenomenon can be seen.

We also suggest that Byzantine Emperor's tradition of recruitment troops of alien origin may have also influenced on the establishment of ghulam army by the Abbasids. However this problem needs further investigation.

To summarise one can stress that two last factors may have nad particular importance in adoption of slavery military institution by Abbasids.

ԾԱՆՈԹԱԳՐՈՒԹՅՈՒՆՆԵՐ

1. «Ղուլամ» բառի նշանակությունը տարածվում է ոչ միայն ստրուկ զինվորների, այլև տնային տնտեսության զբաղված ստրուկների վրա (GHULAM, EI2).

2. «Մամլուք»՝ արաբերեն նշանակում է «զնված», «ունեցվածք», Баранов, Арабско-русский словарь, М, 1988.

3. Սովորական ստրուկի անվանումը արաբերեն.

4. Удальцова З.В. Положение рабов в Византии VI в. Византийский Временник, 1964, т2 13, քերված է ըստ Procopii Caesarensis, Anecdota, ed. J.Haury, Lipsiae, 1913.

5. Նույն տեղում:

6. Նույն տեղում:

7. GHULAM, EI2 (Encyclopaedia of Islam, Second edition), Persia.

8. Сту А.И. Колесников, К вопросу об источниках рабства и правовом положении рабов в раннесредневековом Иране (III-VII вв. н.э.), Рабство в странах

востока в средние века, М., 1976 ժողովածուով:

9. GHULAM, EI2, Persia.

10. GHULAM, EI2, Persia.

11. S.Vryonis, Seljuk Gulams and Ottoman Devshirmes, *Der Islam*, v. 41.

12. R. Levy, *The Social Structure of Islam*, Cambridge, 1969, լջ 451/

13. D. Soudel, GULAM, EI2: The Caliphate; C.E. Bosworth, GULAM, EI2, Persia; К.Э. Босворт, Нашествие варваров: появление тюрок в мусульманском мире, *Мусульманский мир 950-1150*, Москва, 1981; D.Ayalon, *Outsiders in the Lands of Islam: Mamluks, Mongols and Eunuchs*, Variorum Reprints, London, 1988; P.Crone, *Slaves on Horses: The Evolution of the Islamic Polity*, Cambridge, 1980; B.Lewis, *Race and Slavery in Islam*; J. L. Bacharach, *African Military Slaves in the Medieval Middle East: The Cases of Iraq (869-955) and Egypt (868-1171)*, *International Journal of Middle East Studies* 13, 1981, էջ 471-2.

14. D.Ayalon, *Outsiders in the Lands of Islam*.

15. J.L. Bacharach, *African Military Slaves*.

16. Նույն տեղում, *passim*.

17. Shu 8-րդ հղումը:

18. Խոսքը Պ.Քրոնոնի և Մ.Գուրի (Crone P., and Cook M., *Hagarism, the Making of the Islamic World*, Cambridge, 1977) գրքի մասին է, որում հեղինակները փաստորեն ժխտում են իսլամի ծագման վերաբերյալ բոլոր մոտավորապես աղբյուրների տեղեկությունների իսկությունը, ենթադրելով, որ դրանք հիմնված են շինծու փաստերի վրա և իսլամի ստեղծման իրական ակունքները քաջցնելու նպատակ ունեն: Հեղինակները եզրակացնում են, որ Սուհամմադը կարող է և գոյություն ունեցած չլինել ընդհանրապես և որ իսլամը ոչ այլ ինչ է, քան հրեական մի աղանդ:

19. R.Frye, Aydin Sayili, *Turks in the Middle East before the Saljuqs*, *Journal of the American Oriental Society*, Vol. 63, 1943; Osman S.A. Ismail,, *Mu'tasim and Turks*, *Bulleten of the School of Oriental and African Studies*; ւսman S.A. Ismail, *The founding of a new capital: Samarra*, *Bulletin of the School of Oriental and African Studies*. Vol. 31, 1968.

20. Սա մասնավորապես ի հայտ եկավ Ռեյի մոտ տեղի ունեցած ճակատամարտում, որտեղ Ամինին աջակցող արման հեշտորեն պարտություն կրեց; Տարաքի, (Tabari, *Ta'rikh al-Rusul wa'l-Muluk*, Ed. M.J. de Goeje et al., Leiden, 1879-1901) h.3, քք. 883-7; տե՛ս H.Kennedy, *The Early Abbasid Caliphate*, London, 1981, p. 140.

21. Նույն տեղում:

22. Э. Босворт, *Нашествие*, էջ. 22.

23. В.В. Бартольд, *Туркестан в эпоху монгольского нашествия*, В.В. Бартольд *Сочинения*, т. 1, 1963, էջ. 257 (քերվում է ըստ Ներշախի, (*Description topographique et historique de Boukhara par Mohammed Nerchakhy, suivie de textes relatifs à la Transoxiane. Texte persan publié par Ch. Schefer*, Paris, 1892 (PÉLOV, IIIe sér., vol. XIII), էջ 9).

24. В.В. Бартольд, *Туркестан* (Տարաքի, քերվում է ըստ դե Գոյե, III, էջ 484).

25. Յակուբի (Ya'qubi, *Kitab al-Buldan*, ed. M. de Goeje. Leiden, 1892, էջ III էջ. 255).

26. ʾAhsan at-taqasim fi ma'rifat al-aqalim. Ed. M.J. Goeje, Leiden, 1906, t. 2, p. 340; ʾAhsan at-taqasim fi ma'rifat al-aqalim. Ed. K. A. Boscworthp, Nashistvne, t. 2, p. 23.

27. D. Ayalon, Preliminary Remarks on the Mamluk Institution., D. Ayalon, Outsiders in the Lands of Islam; IX t. 44; ʾAhsan at-taqasim, (Baladhuri, Futuh al-Buldan, Ed. M.J. de Goeje, Leiden, 1866). 366 (II. 6-7).

28. А. И. Колесников, К вопросу об источниках рабства, т. 2, с. 419.

29. ʾAhsan at-taqasim:

30. GHULAM, EI2, T. Lewicki, Folia Orientalia, IV (1962), t. 2, p. 319.

31. D. Ayalon, Outsiders, IX, t. 2, p. 48.

32. P. Crone, Slaves, t. 2, p. 75.